

道情詩(二) 陳子石宗師

一般吟

人說獨修爲學道。世傳採戰作延年。
獨修採戰皆虛妄。孕物一般可造仙。

情中吟寄區夢園

似夢非夢夢中夢。夢到淇園上鷺峯。
悟却菩提情是種。無情安得道成功。

元質吟

元質可能復元質。應從元質下功夫。
生人原是生仙質。試問聰明得悟無。

口傳吟

口傳得似前時訣。護法能如舊日無。
却喜生人用精烈。教人來處下功夫。

至訣吟

至訣豈無知己識。至人欲淺向人言。
道情不忍詩千喻。不喻從何顯道源。

造人吟

造人不死如何造。必向生工易死工。
若遇陽回花月好。一輪照遍百花紅。

顛倒吟

顛倒循環轉吸呼。靜中二候採玄珠。
修全性命惟金液。閱盡飽坤一玉壺。

破慎吟

既爲破體人。應參破體事。
破體復破體。如是觀如是。